



# Palota i le Faigāpalota laititi a Tauranga

O le palota i le faigāpalota laititi a Tauranga e amatalia i le Aso Toona'i, 4 o Iuni. O lou avanoa mulimuli e te palota ai o le aso o le palota, Aso Toona'i 18 o Iuni.

## la mautinoa ua e lesitala ma ua toe faafou au faamatalaga.

Ina ia palota, e tataua ona e lesitala. E te agavaa e lesitala lou suafa ma faatino lau palota, pe afai ua 18 tausaga o lou soifua pe sili atu, o oe o se sitiseni Niu Sila pe ua e nofomau, pe iai foi se taimi i lou soifua na e nofo ai lava i Niu Sila mo le umi e 12 masina pe sili atu. E na'o le palota laititi a Tauranga e mafai ona e palota ai pe afai sa e lesitala i le palota lautele a Tauranga.



## Lesitala i se taimi vave ina ia faafaigofie ma vave le faigāpalota

Afai sa e lesitala i le Aso Lulu 11 o Me, e maua lau tusi palota o le EasyVote i lau meli i le 2 vaiaso i luma ae le'i oo i le aso o le palota.

O au pepa EasyVote e faailoa atu ai le aso e mafai ona e palota ai ma le sui tauva e mafai ona e palota i ai. O au pepa palota e aofia ai ma lau card palota o le EasyVote, e faigofie ma vave ona faatino ai lau palota. E mafai lava ona e palota e aunoa ma lau pepa EasyVote, ae fai si umi e faatino ai.

E mafai lava ona e lesitala pe a te'a le Aso Lulu 11 o Me, e aofia ai le aso o le faigāpalota, ae e le avatua ai sau pepa EasyVote. E tataua foi ia te oe ona fai sau palota faapitoa ma o le a umi se taimi.



## Lesitala, siaki pe faafou au faamatalaga i luga o le initaneti

E faigofie ona lesitala, siaki pe faafou ni suiga o au faamatalaga. Alu i luga o le initaneti i le [vote.nz](http://vote.nz) e siaki poo ua e lesitala. E mafai ona e lesitala pe faafou au faamatalaga i le [vote.nz](http://vote.nz) e fa'aaoga ai lou laisene avetaavale Niu Sila, tusi folau Niu Sila poo le pepa faamaonia o le RealMe, pe vala'au le **0800 36 76 56** e fesili mo se pepa lesitala ina ia lafoina atu ia te oe.



## la e palota vave

O le a faia le faigāpalota laititi i le Aso Toona'i 18 o Iuni. Vave palota ina ia faaitiitia ai le umi o le laina - e le tataua ona e faatali i le aso o le faigāpalota.

**E tatala le palota i le:** Aso Toona'i 4 o Iuni  
**E tapunia palota i le:** 7.00pm i le aso o le palota, Aso Toona'i 18 o Iuni



## Itūmālo faapalota o Tauranga

O le Itūmālo faapalota o Tauranga e aofia uma ai le a'ai o Tauranga ma isi nofoaga faataamilo, e tuaoi i le itu sisifo i tafatafa o le Wairoa River ma le Waiorohi Stream i sasa'e. E aofia ai le Mauga o Maunganui ma le malae vaalele o Tauranga.



## Palota i le faigāpalota laititi a Tauranga


E mafai ona e palota mai le Aso Toona'i 4 o Iuni i le Aso Faraile 17 o Iuni i soo se nofoaga mo palota vave fai. E mafai foi ona e lesitala, siaki pe faafou au faamatalaga i le taimi lava lea.

E eseese aso ma taimi e tatalaina ai nofoaga mo palota e vave faia. Siaki muamua ae e te le'i aga'i e fai lau palota i le [vote.nz](http://vote.nz).

I le aso o le faigāpalota, Aso Toona'i 18 o Iuni, o nofoaga uma e faatino ai palota o le a tatalaina mai le 9am e oo atu i le 7pm. E mafai ona e lesitala i le aso o le faigāpalota, ae mana'omia fo'i le faia o lau palota faapitoa ma e umi ai se taimi.

Faamatalaga e faatatau i le nofoaga ma le taimi e palota ai, ma le sui o le a e palota i ai, o le a faailoa mai i le 4pm Aso Lua 17 o Me i le [vote.nz](http://vote.nz) pe vala'au le **0800 36 76 56**. O le a tuuina atu fo'i faatasi ma au pepa mo le EasyVote.

# O lau ta'iala o faigāpalota i le palota laititi a Tauranga



**ELECTORAL COMMISSION**  
TE KAITIAKI TAKE KŌWHIRI

# Pe faafefea ona e palota

## 1 O puipuiga saogalemu o le Koviti-19

O le afaigaluega i falepalota o le a fa'aaogaina punifofoga. Matou te fautua atu fo'i ina ia fa'aaoga punifofoga. O le a matou saunia punifofoga pe afai e te mana'omia. O le a iai vailaau fufulu lima e fa'aaoga, ma e afai e te finagalo iai, e mafai ona aumai lau oe lava peni e togi ai lau pepa palota.


## 2 Taua'ao mai lau pepa EasyVote

Aumai lau pepa EasyVote ina ia faavave ai le faiga o lau palota. E mafai lava ona e palota pe afai e galo pe leai foi sau pepa lena.



## 3 Mulimulita'i i faatonuga

O le afaigaluega i le nofoaga e te palota ai latou te faailoaina atu le mea e fai ma le vaega e te aga'i iai. O le a latou tulimata'iina le laina o tagata palota ina ia lava le avanoa.



## 4 Palota i le Faigāpalota laititi a Tauranga

E tasi lava lau palota, mo le sui tauva ua e finagalo e ave ma ou sui usufono i le Palemene.

E eseese ma le palota lautele o lea e faatino ai le lua o au palota - e tasi lau palota mo le pāti filifiliina ma le isi tasi mo lou sui tauvā.



## 5 Lau palota mo lou itumālo faapalota

O lau palota faaitumālo faapalota e mo le filifiliina o le sui tauvā e te finagalo e ave ma sui usufono o le Palemene o le nofoaga o loo e aumau ai. O le sui tauvā e tele ana palota mai le tou itumālo faapalota e ave ma sui usufono o le Palemene a lou itumalo.

Tuu se togi i luga o lau pepa palota mo le suafa o le sui tauvā ua e finagalo atoatoa i ai e sui tulaga mo lou pitonuu.

## 6 Tuuina atu lau pepa palota i totonu o pusa palota ua mae'a ona saunia

Ma e pau lava lea- ua mae'a lau palota!



### O fea e maua ai nisi faamatalaga mo le lesitalaina ma le faatinoaina o palota

- Asiasi i le **vote.nz**
- Vala'au le **0800 36 76 56**
- Asiasi i le **facebook.com/voteNZ**

Afai e te silafia se tasi e fesoasoani i ai nei faamatalaga, faamolemole faailoa atu i ai.

O faamatalaga e uiga i le lesitalaina ma le faatinoaina o palota o loo maua i isi gagana i le **vote.nz**



Fa'aaoga lenei QR code e te maua ai faamatalaga nei i isi gagana ma ituaiga faataatiaga o avanoa.



## Ua le mafai ona e aga'i atu i se nofoaga mo palota?

Pe afai e faigata ona e aga'i atu i nofoaga mo palota pe le mafai fo'i, o loo iai nisi avanoa ina ia mautinoa ai e mafai ona e palota. Afai o loo e aumau i se fale mo tagata matutua, o le a fesoota'i atu le pulega o faigapalota i le pule o le fale ina ia faatulaga le auunaga mo palota.

Afai e le mafai ona e susu atu i le falepalota ona o loo taofia oe i le falema'i, mai le Aso Toona'i 4 o Luni, e mafai e se uo poo se tagata o lou aiga ona avatua au pepa palota.

Afai e le mafai ona e susu atu i le falepalota ona o loo a'afia oe i le Koviti-19 poo le faanofoesea, poo a'afia i ni ma'i tumau pe le atoatoa le malosi, e mafai ona fesoasoani se tasi e faia lau palota. Sailiili atili i le **vote.nz** pe vala'au le **0800 36 76 56** e faatalanoa ni au filifiliga.



## Palota mai atunu'u mamao

Afai e te palota mai atunuu mamao, e tatau ona e lesitala mai le vaeluaga le po Aso Faraila 17 o Luni. E mafai ona e lesitala pe faafou au faamatalaga i le **vote.nz**

E mafai ona e palota mai atunuu mamao mai le Aso Lulu 1 o Luni aga'i i le 7:00pm, Aso Toona'i 18 o Luni (taimi Niu Sila).

O le auala faigofie ma vave e palota mai ai i atunuu mamao o le download ma le print mai o au pepa palota ona tuu atu lea i luga i le **vote.nz**

E mafai foi ona e aga'i e te palota i se nofoaga o faigapalota o lata ana, poo le talosaga foi mo sau pepa palota e lafo atu i le meli ia te oe. Afai e le talafeagai mo oe nei vaega o filifiliga, faamolemole faafesoota'i mai matou. O nei avanoa e faalagolago i le tulaga o loo iai le Koviti-19 i le nofoaga o e aumau ai.

Asiasi i le **vote.nz** Mo se faamatalaga lata mai e uiga i palota i atunuu mamao. Afai e te mana'omia se fesoasoani e palota mai ai i atunuu mamao, faamolemole faafesoatai mai matou.

**Imeli:** overseas@vote.nz

**Telefoni mai atunuu mamao:** +64 9 909 4182 (e ono tologiina telefoni mai fafo)

**Telefoni mai Niu Sila:** 0800 36 76 56



## Manaomia se fesoasoani i le faitauina poo le faailogaina o lau pepa palota?

E mafai ona fesoasoani atu se uo, se tagata o lou aiga poo se tagata faigaluega o le ofisa o palota i le faitauina poo le faailogaina o lou pepa palota. O lena tagata e mafai ona:

- lua aga'i faatasi atu i tua o le laulau faipalota
- faitau leotele upu ma faamatalaga o i luga o pepa palota
- maka pepa palota mo oe pe a e finagalo ai latou te makaina.

E le mafai ona latou tauanuina oe i se sui e te palota ai i le palota laititi a Tauranga.

Afai e te tauaso, tau le mafai ona vaai pe iai foi ni ou mana'oga faapitua, o lona uiga e le mafai ona e makaina lau pepa palota e aunoa ma se fesoasoani, e mafai ona e palota e fa'aaoga ai auunaga o telefoni.

E tatau ona e lesitala ina ia fa'aaogaina lenei auunaga. Vala'au le **0800 028 028** ma filifili le numera 1 e lesitala ai.

E mafai ona e lesitala mai le Aso Tofi 12 o Me se'i oo i le 12pm o le Aso Toona'i 18 o Luni.

Asiasi i le **vote.nz** e saili ai nisi faamatalaga e uiga i lenei auunaga.